
RESPONSE

POVR LA ROYNE

A MONSIEVR LE PRINCE.

8

M. DC. XIV



RESPONSE POUR LA Royne à Monsseur le Prince.

ON NEPVEV.

l'ay receu vostre lettre, par la-

quelle i'ay esté bien esbahie; qu'incontinent apres vous estre departy en bonne intelligence d'auec moy, vous m'auez faict vne querelle, sans que i'aye peu comprendre le subiect. Vostre lettre porte au front, ce que depuis la memoire des hommes, semblables escripts ont tousiours porté, le soing du public, & l'obeyssance au magistrat, c'est à dire, l'affection au seruice du Roy Monsieur mon fils. Iel'ay, certes, tousiours creu ainsi: & si telle n'eust esté ma creance, ie me fusse gouvernée enuers vous tout autrement que ie n'ay faict. En quoy si i'ay esté trompée, l'euenement le demonstrera. De là vous combez à parler de vostre absence de ce Royaume : & mesemble qu'il n'estoit pas grand besoin de rafraischir la memoire d'vn temps si triste que cestuy-là. Vous dictes qu'apres vostre retour vous auez conniué & passé soubs silence les desordres qu'on a veu assez frequents en ce Royaume depuis la mort du seu Roy: ce que vous auez faict pour éuiter les troubles : dont il est aduenu que par la grace de Dieu, ma bonté, & vostre patience la paix a duré quatre ans. Qui empesche que vous ne continuez ceste patience insques à

la maiorité du Roy? qui vous émeut de rompre? nous y touchons du bout du doigt: il n'y a plus que six mois, il ne se peut rien gaster entre cy & là voulez vous faire naufrage au port? Quant aux desordres que vous auez veuz, ce dictes vous, si frequents en ce Royaume depuis quatre ans (car vous ne parlez pas de plus loing) ie vous prie, mon Nepueu, de m'ap-prendre, non pas vous, mais tous les plus vieux qui viuent encores à present, si loing que leur memoire se peut estendre au passé, quand est-ce qu'ils y ont veu de l'ordre depuis cinquante ans en ça? quels nouueaux desordres y sont-ils suruenus durant ma regence, qui ne fussent point auparauant? Car la continuation des desordres a plustost dormi du temps du feu Roy, que du tout cessé: Si plustost, comme vn cloud pousse l'autre, les plus grands n'ont faict oublier les moindress Qu'ils disent quand estce qu'ils ont veu depuis cinquante ans que les Gouvernemens, que les places fortes (file danger euident & instant n'a conseillé autre chose) ont esté donnezà d'autres qu'à des fauorits, & encores fauorits des fauorites, ou des fauorites? ou tantost pour de l'argent, ou tantost pour autres causes que la honte me dessend de dire: sans auoir esgard à la noblesse, merites ou valleur despersonnes? Quand est-ce qu'ils ont veu que les benefices ont esté conferez pour la pieté & religion? les offices de iudicature pour la probité & suffisance? Cela, celan'est pas seulement effacé de vos registres, mais aussi de la memoire des hommes d'apresent. Quand estce que les offices militaires, voire celles de la

mailon des Roys & des Roynes, & des enfans de France n'ont esté vendus? Quand est ce que l'on n'a vendu au plus offrant & dernier encherisseur la libre & arbitraire disposition des vies, des biens & de l'honneur de tous les habitans de ce Royaume, de quelque qualité qu'ils soyent? Car qui iuge les Princes qui iuge toute la France, que ceux là qui ont le plus d'argent, pour achepter tels offices? Ils en ont vsé plus moderément le passé que non pas à present; ie le confesse, & que le prix en est venu à l'infiny: car la vanité & l'ambition n'a n'y terme ny borne. Le prix varie selon le temps: l'augmentation ou diminution duquel (car cela arriue à toutes denrees) n'a pas faict l'abus, mais la vendition, le libre & non limité commerce. Le pis est que de ce temps ceste orde, sale & vilaine marchan-dise, cest ord & vilain trassic, a esté authorisé, afin que nous ne peussions desmentir nostre lascheré & infamie, par Edict public, Edict que se trouue aussi mauuais que vous. Mais qu'en puis-ie mais? Pourquoy reiettez - vous la faute sur moy qui n'y ay apporté que la tole-rance, que le temps & la necessité ont extorquée & extorquent encore aujourd'huy de moy? Il seroit aisé à verifier qu'il n'y eut iamais moins de desordres depuis cinquante ans, que les quatre ans dont vous parlez. L'Eglise a-elle estè il y a long temps plus libre, plus asseurée,& plus releuée, le service divin plus religieuse-ment celebré, le peuple mieux & plus conti-nuellement consolé & instruict? Les benefices ont-ils esté conferez à gens plus pieux & de meilleure vie? La iustice a elle esté plus ho-

norce, respectee & obeye? Ne sçauez-vous pas bien qu'en la Pieté & Iustice consiste le gros de l'Estat? Cottez-moy vne seule ville, vne seule bourgade, vn seul chasteau, vn seul Seigneur de nom & de marque qui se soit reuolté de sondebuoir: & pourquoy est-ce? c'est (comme dit Tite Liue des villes d'Italie qui estoient tousiours demeurees en l'obeissance des Romains, encores qu'elles eussent esté fort sollicitees par Annibal, qui estoit le plus fort en la campagne) pour ce qu'ils ont esté toussours commandez d'vn iuste & moderé commandement. Ce langage est plein d'enuie, ie ne le continueray point d'auantage. Ne nous attribuons point, mon Nepueu, ne nous attribuons point, ny vous, ny moy, la louange de la conseruation de la paix de ces quatre ans là. Laif-ions là ma bonté, ne parlons point de vostre-patience, elle est assez cogneuë; attribuons cela à Dieu seul, qui a respandu dans moy sa grace, qui m'a assisse de bons & sideles con-seillers, que le seu Roy Monseigneur m'a laif-sez: & a donné vne serme resolution au peuple en general, qui ayant gousté la douceur de la paix, & ayant encores en la bouche l'amertume des troubles, n'a point voulu manger de la guerre. Et encor que l'humeur du peuple n'y fust nullement disposee, si n'a-il pas fallu pour celalaisser d'y prendre vne grande & assiduelle gar. de : car toute multitude, comme la mer, est de soy-mesme immobile; selon les vents qui la poussent elle est calme on esmeue. Il y auoit encores des chefs de parti d'vne & d'autre religion, (vous les cognoissex bien, mon Nepucu)

qui ne demandoient pas mieux, qu'à mener les mains: il y auoit des mal-contens plus que d'aucres. C'est vne maxime, quand en vn Estatil y a plus de telles sortes de gens qui ayment choses nouuelles que d'autres, qu'il ne peut faillir d'y auoir du remuement, trouuans des chefs & l'occasion à propos. Les passages des Royaumes à nouveau successeur, & encores mineur, & partant foible, en fournissent assez. Mais il y a esté fagement & prudemment pourueu : on a contente les mal-contens au moins mal, & à meilleur marché qu'on a peu: & les personnes qu'on a interesses, ce n'a pas esté à soy, comme vous dictes, mais à la paix & à l'Estat. Il n'y a rien, tant petit zit-il esté, où ie n'aye distribué mon soing & ma sollicitude. I'ay tousiours ouy, & me suis essoignee de toutes choses qui eussent mené à quelque alteration du repos de ce Royaume. C'est pourquoy tout aussi tost que ie sus declaree Regente, encores qu'il me vint bien en la pensee, & à ceux qui m'assistoient de leur sidele conseil, de conuoquer les Estats, toutesfois ie subsistay. Ie songeois à ce que le Renard respondit au Lion, qui luy demandoit pourquoy il ne l'estoit venu voir en sa maladie; l'ay eu peur, dit-il, pource que i'ay veu tous les pas de ceux qui vous sont venus visiter, tirans droict vers vous, & n'en ay veu pas vn en arriere. le voyois que ces Estats n'auoient iamais tenu, qu'il ne s'en fust ensuiuy vne guerre ciuile : que de tout ce qui y auoit esté statué & ordonné, on n'en auoit iamais rien gardé ny obserué. A quoy il auoit tenu, la memoire en saignoit encores. le considerois que s'il y eust eu iamais lieu

de les conuoquer, c'estoit fors que le seu Roy Monseigneur vint à la couronne; & toutesfois qu'il ne l'auoit famais fait, craignant (à mon iugement) pareils euenemens que les passez. Il eluda cela par vne assemblee qu'il fit à Roiien, pour contenter le peuple; mais ce n'estoient pas Estats. le discourois que les sages medecins ne Baillent iamais medecine au fort de l'accez, & que bien souvent ils avancent plustost la santé par laisser le patient en repos, que de l'esmounoir. le craignois, estrangere & Regente, (telle estoit la mere de sainct Loys) de faire quelque pas de clerc : car en l'Estat, comme en la guerre, il aduient bien souvent qu'il n'est pas permis de saillir deux sois. l'auois appris qu'en telle constitution d'affaires, où estoit le Royaume, il n'y avoit rien qui le peust sauver & garantir des pernicieuses divisions qui le menaçoient, que le commandement absolu de quelque personne que ce fust, qui portast creance, tant par sa qualité, que par decret public, qui ne sult reuoquee en doute: car cette doute estoit divisson, qu'il falloit tirer à quartier & escuiter, comme le plus perilleux rocher qui fust en toute la coste: Principalement au commencement que les esprits n'estoient pas encores asseurez, & flottoient en incertitude, & ne sçauvient quel costépancher, il ne falloit commettre qu'il fust remué aucune mention de contredict, en quelque assemblee publique que cefust, à ce que le Parlement de Paris avoit sainctement & selon le droict de nature ordonné de moy. Autrement c'estoit rompre le consentement vniuersel de tout le peuple; & ouurir le pas à la sedition. En

tels affaires la multitude des commandeurs n'est pas bonne; iln'y a que le commandement qui depend d'vn seul , qui puisse guarir & arrester la confusion. Fueilletez vos histoires, vous n'en trouuerez que trop d'exemples. Les seditions aduenues sous Charles V.& Charles VI. en font foy. Car la faute qu'ils firent, fut de permettre qu'on deliberast trop souvent & trop librement de leur pouuoir. La iuste & legitime eslection de ma personné, & la prudence auec vne grande moderation dont i'ay vsé, passant d'extrement par dessus toutes difficultez, & coupant chemin à la contradiction, a empesché semblables mal-heurs qui aduindrent lors, & beaucoup pires. Ayant pris le gouverment du Royau-me, ie me suis servie de ceux à qui le feu Roy Monseigneur l'auoit creu & confié. I'ay coulé le temps, i'ay calle aux desordres inuete. rez & endurcis;non pas que ie n'eusse bonne volonté de les trancher, si l'eusse peu. Les abus en Frances'y introduisent facilement, mais on ne les en chasse que mal-aysement, mesmement quand il y a ou des Grands, ou multitude de gens, qui y sont interessez. Ils estoient tournez en coustume, & de trop long temps enracinez;ie n'anois pas assez de puissance: si ie l'eusse voulu faire, i'eusse tout gasté, & tout mis en combustion: ou ie n'en eusse rapporté autre frui&, sinon que i'eusse faict paroistre les maux, ausquels nous n'estions pas essez sorts pour resister. Ie me suis contentee de tenir les affaires en compromis, sans empirement, & en reserver l'entiere decision au Roy Monsieur-mon fils, quand il seroit maieur. Tous mes conseils, toutes mes pensees, toutes mes actions, n'ont iamais tendu qu'à sauuer la barque, & la conduire au port de salut, c'est à dire, à la maiorité du Roy Monsieur mon fils, sans hazard, sans danger, sans peril, sans tem-peste, sans orage, & sans naufrage: & esquiuer tous escueils, tous bancs, tous rochers, pour rendre au Roy le vaisseau en mesme fret que ie l'auois pris, si en meilleur ie ne le pouuois. Dieu a beny & fortuné mes conseils iusques à present; si vous n'y apportez quelque infortune, ce que ie n'ay iamais attendu de vous. Toutesfois vous faictes paroistre par vostre lettre, que vous auez conceu de longue main vn grand mescontentement contre moy. D'où cela pronient ie ne sçay; car ie ne vous en ay point donné d'occasion. Vostre lettre est toute pleine de paroles choisses, telles que la mauuaise humeur, en laquelle vous estiez lors, vous a dictees, esquelles y a plus de vaine & affe-ctee resonnance, que de sens & de substance. Elle est toute pleine d'inuectiue contre mon administration, contre les officiers de la Couronne, par l'aduis désquels le feu Roy Monseigneur m'a chargee de me gouverner. Vous ne particularisez rien, vous ne nommez personne, vous ne circonstantiez aucune chose, ce sont inuectives indefinies de choses generales, iettees à la trauerse pour faire trouuer mauuais ce que l'ay geré & administré : combien qu'en matiere d'accusation, il n'est pas permis de vaguer auec le danger de la reputation d'autruy, Oyez, François, oyez vn uouueau crime & auparauant non ouy: La Royne Regente & ceux qui la conseillent ont baillé les gouvernemens

& les places fortes à personnes indignes & incapables. Qui ne sçait que le plus digne & le plus capable, c'est celuy qui a le plus d'argent? Quelle dignité, quelle capacité est requise en telle sorte de gens, sinon la profession des armes & la fidelité? Que ne dictes-vous combien il y en a vacqué? & quels? & à quelles gens on les a baillez? Les prouinces en France sont grandes & abondantes en fortes & bonnes villes, & fort peuplees:ce sont autant de Royaumes.Les Gouuerneurs en chef de ces prouinces, qui sont encores aujourd'huy, les mesmes qui estoient du temps du feu Roy Monseigneur, sont Princes & Seigneurs puissans. Le moyen de diminuer l'excessiue puissance de quelque Magistrat, qui pourroit à la longue tourner à abus, est la departir à plusieurs, & à temps. Ce dernier estoit du viuant de nos peres. Le departement est demeuré : car les Roys donnent des Lieutenans à ces Gouverneurs, mettent des Capitaines particuliers aux villes & aux places fortes de la prouince. Les Gouverneurs en chef les y veulent mettre, & les auoir à leur deuotion: de là vint tout le mal, & l'indignation conrre moy & le conseil du Roy. Ne sçauez-vous pas bien que ces offices là sont venaux? Ne sçauez-vous pas bien le party de la pluspart de tous les autres ? Car quant aux offices non subjects au party, il en a vacqué vn, & non plus, dont i'ay gratisié vn Gentilhomme des miens. Parlons, parlons, mon Nepneu, à cœur ouvert : leuons le masque. Ie suis estrangere de naissance, ie le confesse, mais de cour & d'ame toute Françoise; dequoy l'on ne peut douter, ayant nanty la France de si beaux &

de si precieux gages que mes ensans. Quand le suis venue en France, i ay amené quelques cinq ou six personnes, tant hommes que semmes, de mon pays, de melme laict, de melme langue, qui ont esté tousiours nourris & par moy & auec que moy. Il n'y a homme si aliené d'humanité, ny qui ait lecœur si dur & aceré, de trouuer mauuais que i'aye quelques domestiques de mon pays; que ieviue auec mes conpatriotes, qui onthumé, dés qu'ils ont salué la lumière de ce monde, le mesme air que moy. O combien est douce à chacun la souvenance de son pais! Ayant ce bon heur & cest honneur d'estre mariee à vn grand & puissant Roy, (grand de valeur, d'esprit & de courage, s'il y en eutiamais,) quelle enuie y a-il, stipour rendre ma suitre plus digne & plus releuce, i'honore mes seruiteurs de quelque grade, qui moindre qui plus eminent, sefon leurs qualitez: puis qu'auecque moy ils ont transferé toute leur affection, dont nature les obligeoit enuers leur pays, à cestuy-cy, & qu'ils n'en recognoissent plus d'autre ? Bref du repos vniuersel, qui sous ma procection, a continué iusquesicy, vous en voulez espraindre & tirer la guerre, & ne demandez que pretexte de l'esmouuoir. Guerre, guerre helas! ciuile, qui est pour acheuer de ruiner du tout ce pauure & miserable (tel le puis ie bien dire) pauure & miserable Royaume, si Dieu, ou la mauuaise fortune des François le permet. Or vous récherchez mes actions iulques à cent mille pistoles pres, comme si i'estois veusue de quelque Financier ou de quelque Comptable: re-cherche pleine d'indignité, tant pour moy que

pour vous: & me semble n'auoir pas si peu merité de cest Estat, qu'il me faille rechercher pour de l'argent. Puis vous mettez encores en auant le renouuellement de certaines commissions pour faire leuces sur le peuple, où vous auez vous mesmes opiné: & pensez par ce moyen l'attirer à vous, & m'ostant de sa bien-vueillance, vous y insinuer en ma place. Mais ceux qui vous donnent ce conseil, vous trompent. Ie ne m'amuseray point à vous en dire les raisons, qui sont dedans les liures, & que l'experience a appris estre veritables. Seulement ie vous diray, qu'vn seul logis de vos gensdarmes, si Dieu vous oste l'entendement insques là, que vouliez pescher auec vn hameçon d'or, (ce que ie le prie de ne faire pas) affligeroit beaucoup plus le pauure peuplst que tout cela. Vous faicles vii recueil, & viie enumeration de tout ce qui s'est passé au Conseil du Roy Monsieur mon fils, voire la plus part par vostre aduis, depuis ma Regence, &y donnez le fil tel qu'il vous plaise. Vous tas-chez de me rendre odieuse sous le nom des officiers de la Couronne, qui sçauent les secrets ressorts de l'estat, desquels ie me sers en l'admi-nistration d'iccluy. Vous remuez toute pierre, pour les tirer en enuie, à laquelle seurs charges & fonctions ; où ils sont ordinairement employez, les exposent assez; & adjoustez de l'huile à la cheminee. Vous auez pris vn tel ombrage d'eux, que vous leur ietteriez volontiers le chat aux iambes. Ils ont blanchy & vieilly an feruice des Roys. Ils sont nais vos serniteurs : il vous séroit beaucoup plus seant de les offenser que de les hayr: combien que d'offeser vous le fai-

ches affez, & que vous ne deussiez faire ny l'vn ny l'autre. Mon Nepueu il a pleu à Dieu me choisir pour outil & instrument de sa benediction sur la France. Ceste benediction a toute residé & reside encores en ma personne. le vous prie, representez vous deuant les yeux en vostre entendement, que c'eust esté de ce pau-ure Royaume, lors que le feu Roy Monsei-gneur sut tué, si le bon-heur qui accompagne la France, n'eust voulu que ie m'y fusse trouuee.
Il avoit laisse trois ensans masses, dont le plus aagé, qui est aviourd'huy le Roy Monsieur mon fils, n'avoit que neufans. Vous estiezabfent, l'affaire pressoit, & ne receuoit point de dilation. Et puis, quand vous y eussiez esté, il y eust eu vn beau mesnage. Vous vous sussiez volontiers bien accordé auecvos Oncles, & autres Princes & Seigneurs, tous poinctez les vns contre les autres. Les anciennes querelles des maisons, qui auoient esté pour quelque temps assoupies, commençoient à seresueiller. C'est chose veritable ce que dit Jules Cesar en ses Commentaires, Que la Gaule est toute pleine de factions. Il y en a aux champs, il y en a aux villes, aux bourgs, aux villages, aux hameaux, aux assemblees publiques, aux Courts, voire à la chambre des Roys & des Princes: il n'y a compagnie où il n'y en ait, iu ques aux maisons des particuliers & à leurs foyers. La multitude d'icelles les rend foibles, & peu nuysibles. Au contraite l'on en peut tiret quelquessois profit: car vn grand Estat ressemble vne vouste, qui comberoit; si les pierres dont elle est composee, ne s'empeschoient les vnes les autres. Mais les

IS

discordes qui sont entre les Grands & puissans entrainent ordinairement auec elles le reste de l'Estat. l'ay composé & appaisé tout cela, à l'aide & par le conseil de ceux que vous dictes les auoir nourries & fomentees. Croyez, croyez, mon Nepueu, que vous vous y fussiez trouué bien empesché: il vous eust bien fallu recourir, reblandir & implorer l'aide de ceux que vous blasmez tant maintenant. Vous ne vous en sussiez sceu passer. Le conseil est vne chose saincie & facree, & ceux qui le donnent aufil. Mais vous dictes que vous vous estes tousiours bien apperceu que ces gens là me trompoient, qu'ils auoient des desseins particuliers pour regner parmi la confusion. C'est autre chose. l'ay bien cousiours creu, que ces gens là desquels vous encendez patler, estoient hommes nourris parmy le monde, & qu'ils desiroients'y conserver: & qui en doute? & qui doute qu'ils ne taschent de s'y aggrandir, & reculer ceux qui leur sont contraires? Cela a tousiours esté depuis que le monde est. Il en faudroit rebastir vn autre, si on vouloit oster cela: que dis-ie rebastir? mais refondre vn nouuelle nature: car cela est naturel à tous les hommes. En quoy toutesfois ie ne les veux soustenir, s'ils se sont voulus aider de moyens illicites, ou autres artifices pernicieux à l'Estat. Si ainsi est, que ne m'en auez-vous aduertie? Vrayement, mon Nepueu, vous vous faictes vn bel honneur, i'en rougis pour vous: Vous qui estes du sang de France, le plus genereux qui soit au monde, auoir supprimé si long temps la verité à vostre Roy, à la Roine Regente sa mere, en leur conseil, où vous estiez tous les iours; la verité, dis-iz, que le debuoir & magnanimité de vostre cou-rage vous obligeoit de dire & reueler, voire au peril de vostre vie; puis qu'il y alloit de chose tant importante, comme vous dictes, que de l'entier bouleuersement de cest Estar. Les estrangers ne croiront cela que malaisement; ou s'ils le croyent, ce sera aux despens de vostre reputation. Ne croyez rien de sinistre, ô Estrangers, ny vous, ô Posterité, de mon Nepueu: car il n'entra iamais rien dans son ame braue & genereuse qui puisse tacher sa qualité. Non non, mon Nepueu, ne reiettez point toutes ces fautes, que vous pretendez auoir esté commises au maniement des affaires, sur ceux dont vous dictes que le suis preoccupee. Cessez de battre le chien deuant le lyon. Vous les auez toutes comptees exactement par vostre lettre: vous n'y auez rien oublié. Tout ce que vous m'obiectez, auez rien oublié. Tout ce que vous m'obiectez, que dis-ie, vous m'obiectez? à moy, non, mais au conseil du Roy, où vous auez tous-iours presidé en mon absence, ce sont choses friuolles, & prouenants de la sinistre interpretation que vous y apportez. Ie les ay toutes considerees, ie les recognois. C'est moy qui les ay commises, si faute ya; ce que toutes ames espurees de passion, quand on entendra comme le tout s'est passé, n'estimeront iamais. Ne vous en prenez à personne qu'à moy: ie n'ay point esté seduicte: ma facilité n'a point esté circonuenue: ie n'ay rien faict que par meur conseil & deliberation, où vous auez mesmes esté present & consenti. I'ay faict du mieux que i'ay peu; encores que vous tiriez tout en mauuaise part, comme vn mauuais estomach conuertit convertit

convertir toutes les plus delicates viandes en mauuais suc. Mais ie ne suis pas deliberee d'en contester auec vous d'auantage. Les conseils de tous les autres hommes l'arrestent à l'veile: ceux des Roys ne visent qu'à la grandeur & reputation. Ce seroit trop rabaisser la Majesté du Roy Monsieur mon fils, lequel ie represente, qui n'est remu de rendre compte à personne de ses actions qu'à Dieu seul, si ie vous tenois raison de tout co que l'ay manié. C'est à luy à qui Dieu a donné la Buillance de commander. Il ne vous est restés non plus qu'à tous ses autres subjects, que la glore d'obeyr Espuis estimez-vous qu'il faille ainst divilguer les secrets d'vn Estate il ya en vin grand Estat, comme en la guerre, beaucoup de choles vaines, qu'il n'est pas besoin que tout le monde scaches & bien souventold se soustiene plustost par opinion; & reputation lique parsa propre force. Quand on vous voit anec telle vehemence, qu'il n'elt possible de plus grande, porté contre ceux qui me confeillent; ne crais guez vous point que lon vous objecte le traice des loups auec les brehis? N'entendez vous point balle parmy la balle coure du Louire ; que ceux de volfre luitte murmurent que ces officie's que vous blasmez tant, ont alfezhommodé: leursafraires, & qu'il estremps qu'ils deur quirle tentla place pour establir les leurs à leur cour? Le vous diray vne histoire. En la ville de Capoue en Italie les Senateurs estoient riches & puissans: Le péuple par enuier qui luy est naturelle & ora diffaire contre telle soite de genszileus vouloit mal de mort. Pacurius estoit choffdu peuple; homme lage & prudent, qui cognoidoit que

ces Senateurs estoient fort gens de bien, & trauaillez d'enuie: car le peuple les hayssoit, & ne sçauoit dire pourquoy. Vn jour, ainsi que tous les Senateurs estoient assemblez au Palais, Pacuuius leur fist entendre la mal-vueillance du peuple, le danger de leur vie, auquel ils estoient : que Pils le vouloient laisser faire, il les en garantiroit. Apres qu'ils se furent resignez du tout à sa volonté, il les enforma dans le Palais, où ils tenoient le conseil; & s'en vint au peuple, & leur, dist, que desirant auancer leurs desseins, il l'estoit saisi des Senateurs, & les tenoit prisonniers; que leurs ennemis estoient en leur puissance, pour en disposer comme bon leur sembleroit; mais qu'il ne falloit pas tant flatter ny complaire à son appetit de vengeance, qu'on ne regardast à son vtilité: Que la ville ne pouvoit demeurer, sans conseil public, qui estoit ces Senateurs; que deuant que les faire mourir, il en falloit eslires d'autres en leur place. Le peuple trouva cela bon. Le lendemain le peuple, fut affemblé, pour proceder par la pluralité de voix à l'election des Senateurs, à mesure qu'ils les fergient moutir. On fit venir le premier, il sut question d'en eslire yn autre en son lieu: ils commencerent tous aide regarder l'yn l'autre Enfin il Pen trouua vu plus hardy que les autres, qui en nomma vn. Ils l'escrierent tous, les vns qu'ils ne le cognoissoient point, les autres que c'estoit vn meschant, qu'il auoit faict cecy, qu'il auoit faict cela. On vint au second, & puis au troisielme; iamais ils ne le peurent accorder d'aucun: gellement qu'ils descendirent en ceste resolution, deserenir à ce qu'ils auoient, & que le mal le

plus cogneu estoit le moins mauuais & le plus tolerable. Tournez vostre veuë de tous costez; iettez vos yeux par tous les endroicts de la France: vous & moy serions bien empeschez, s'il nous en falloit mettre d'autres en la place de ceux que vous blasmez tant. La France est plus desgarnie, est plus sterile de telle sorte de gens, c'est à dire, de conseil, & entendus en l'Estar, qu'elle ne fut iamais. Quant à ce que vous vous plaignez de ce que i'ay eu volonté d'arrester les Ducs de Bouillon & de Longueuille, & que i'ay donné gardes au Duc de Vendosme; vous vous plaignez bien à tort & de saine teste. Enquerez vous des Theologiens & Iureconsultes, voire de vous-mesmes, ce que les loix diuines & humaines permettent de faire de ceux qui sont trouuez en dessein de l'assembler, pour messer leurs deliberations contre le repos de leur pays: & vous serez certainement esclaircy, qu'il y a plus de sujet de m'accuser de trop de douceur que de rigueur, qui ay bouché les yeux à ce que ie voyois deuant moy, & faict semblant de ne le point voir, sous esperance, en laquelle ie suis encores, que vous retourneriez tous à de plus sains & sages conseils. La fortune fournit aux Roys & aux Princes, dés qu'ils naissent en ce monde, toutes autres choses à souhait & abondance: vne seule leur defaut, à l'acquisition de laquelle ils doiuent assiduellement s'employer & trauailler, & en estre insatiables; la bonne reputation & heureuse memoire de leur nom. Que dira l'Italie, que dira l'Allemagne, que dira l'Angleterre, que dira l'Espagne, que diront tous les estrangers, que dira la posterité, quand ils liront

Cij

vostre lettre, que pour des causes si friuoles vous auez (Dieu destourne ce malheur de vostre teste, & de celle des François) vous auez, dis-je, mon Nepuew, rompu la paix de vostre pays, Paix vniuersellement embrassee & gardee par tous les gens de bien, & telle que quand les affaires iroient pis mille fois que vous ne dictes, la condition en seroit encor plus tole-rable, que d'une guerre ciuile? Que dirontils, de ce que vous auez abandonné, pour des opinions erronees, qu'on vous a mises en l'esprit, vostre Roy, lors qu'il auoit plus de besoin de vostre conduite & addresse, qu'il estoit prest de passer à majorité, au passage de laquelle il survient ordinairement divers mouvemens à la ieunesse, dignes du soing, assistance & vigilance des plus proches, fidelles, & speciaux parens & serviteurs, comme vous estes? Mais sur tout que vous diroit vostre pays, s'il pouvoit parler? Il vous diroit que vous prinssiez exemple sur ceux qui ont faict cy-deuat semblables entreprises, & sur ce qui leur en est aduenu. Exemple qu'il ne vous faut point aller chercher bien loin: car il est chez-vous. Que voulez-vous faire? voulez - vous porter force & violence à vostre pays? voulez - vous leuer l'enseigne & faire party d'impunité d'oppresse, vexation & saccagemens d'hommes & de biens? violement de femmes & de filles? & de toutes les miseres que les guerres civiles, dont nous ne faisons que sortir, ameinent auecques soy? Voulez vous remplir vostre pays, de sang, de meurtres, de carnage & de desolation? Voulez-vous sourrer le cousteau dans le ventre de vostre patrie vostre

mere? Ce ieune Prince semble s'esmouuoir; ie ne le veux pas presser d'auantage. Vous estes, mon Nepueu, du sang de France; sang que toute la Chrestienté; voire tout le monde honore, specialement ceux de ma maison. Escoutez ce queie vous diray. Le Roy Charles VII. ayant reconquis le Royaume sur les Anglois par la valeur & prouelse de sa noblesse, estoit tout possedé par elle, dont les principaux estoient officiers, que vous appellez, de la Couronne, qui le tenoient en subiection. Loys XI. son fils luy succeda, qui ne cognoissoit point ces gens là, & n'en tenoit compte, faisoit les affaires sans les y appeller, & sans prendre leur aduis. Il tenoit l'ancienne maxime du Royaume, que les armes & la force deuoient estre par deuers la noblesse, pour en vser là où, & comme elle seroit par luy commandee, sans qu'elle se messast d'autre chose: tout l'ordre, toute l'administration de la police, de la iustice, le maniement des richesses publiques, tout le conseil, par deuers l'Eglise & le tiers Estat: Pource que la force destituee de conseil ne peut rien; & le conseil sans execution, qui ne peut estre sans la force, demeure vain; inutile & sans effect. Eux qui auoient esté en grande authorité, & qui se persuadoient qu'estants officiers de la Couronne, (ce mot est specieux & emplit la bouche) ceste authoritéleur apartenoit de leur droict, se fascherent se voyans desdaignez. Le Comte de Charolois) son pere le bon Duc de Bourgongne Philippe, qui mit les Anglois en France, & les en fit sortir, viuoit encores) touché de quelque ressentiment d'ingratitude, & offensé du Roy,

C iij

qui auoit esté honorablement receu & entretenu en sa maison, pendant la disgrace de son pere: les Ducs d'Aquitaine, frere, & de Bretaigne, vassal de sa Majesté, ioignirent leur mescontentementauec celuy des autres nobles & officiers de la Couronne, & leuerent la guerre, qu'on appelle du mesme nom que celle que vous voulez esmouuoir, du Bien public. Ceste esmeute vint iusques là, qu'ils liurerent bataille au Roy, que Ion appelle la Bataille de Montlehery. Apres ceste bataille le Comte de Charolois estoit en vne fenestre de son logement. & le Duc d'Aquitaine auec luy, en la compagnie de plusieurs autres tant Seigneurs que Gentils-hommes. L'Aquitanois frere du Roy voyant passer tant de corps morts, tant de blessez, de pitié qu'il en eut, les larmes luy vindrent aux yeux, s'escriant, qu'il estoit bien miserable d'estre cause d'vne si grande essusion de sang. Le sens des yeux est plus croyable & plus sensible que celuy des aureilles. N'attendez pas, mon Nepueu, que l'object arrache ceste pitié de vous: preuenez-la: rendez la paix asseuree par l'obeyssance deuë par vn bon subjet & parent a son Roy. Venez, venez, mon Nepueu, venez vous reioindre au corps de l'Estat, duquel apres le chef vous estes le second membre. Quittez ces precipitez & deplorables conseils. Le commencement en est ordinairement agreable, la procedure fascheuse, l'euenemet triste. Vostre louange est assise en lieu haut & eminent: elle est esclairee de tout le monde. Toute la France iette les yeux dessus, toute l'Europe la regarde. Faicles choses dignes & qui respondent à ceste attente. Gardez vous de la souiller d'aucun sinistre depor-

tement. Ceux qui sont nais pour auoir vn grand nom, comme vous, ou bon ou mauuais, doiuent bien prendre garde à soy. Venez reuoir vostre Roy, venez vous ietter à ses pieds, rapportez-luy la paix que vous auez emportee. Venez sacrifier à vostre pais vostre vie que vous luy deuez. N'appellez pas au conseil de vos pensees, ny le despit procedant de desdaing & mespris, (car ceux d'où vous croyez qu'il procede n'y oseroient auoir pensé, & ne sont pas dignes de vostre cholere;) ny la destiance, car quel subject auez vous d'en venir là? Ie vous desire, ie vous estime, ie vous ay cher, & le Roy Monsieur mon fils pareillement. Vous ne nous auez iamais donné occasion de faire le contraire. Le Comte de Champaigne braue & vaillant Prince & les Seigneurs de France eurent despit de ce que le Roy S. Loys, d'où vostre illustre maison est descendue, mineur & en bas aage, estoit en la tutelle de sa mere, & qu'elle estoit Regente, qui gouvernoit sans les faire participans du gouvernement. C'est vne ialousie qui n'est pas d'aujourd'huy. Ils l'assembleret & pour suinirent le ieune Roy, pour s'en saisir, depuis Montlehery iusques à Paris: les Parisiens vindret à la rescousse, qui le remenerent à sauueté dedans leur ville. Cela n'empescha pas qu'ils ne fussent depuis bons amis, qu'il ne se fiast au Roy, & le Roy à luy. Ce petit mescontentement que vous auez pris, sera vn plus ferme renouement de l'obeyssance & seruice, dont Dieu & nature oblige enuers sa Majesté. Apres son frère vous estes son seul soustien, vous estes son seul support, son esperance, & celle de toute la France. Ne gastez point tant de belle monstre que

Dieu a faict pousser en vostre personne, par quelque trifte gelee, ou plustost par quelque chaleur inconsideree & precipitée. Gaignons, gaignons le port, mon Nepueu Toutes choses sont entieres. Le Roy est tantost maieur: il luy faut bailler le gouvernement & de sa personne, & de son bien, non blessé, non interessé, son bien pacifique & non troublé. C'est à ceste heure qu'il faut tenir les Estats, c'est le temps opportur. Volouable. Il ne falloit pas pour cela sonner l'allarel me par toute la France, esmouvoir les peuples; ilne falloit pas abandonner le timon, il ne falloie pas quitter le Roy Monsieur mon fils; il ne falloit pas, quelques cinq ou six Princes que vous estes, associer vos conseils & mescontentemens particuliers pour rompre la paix vniuerselle de toute la France, voite de toute la Chrestiente. Tenons, tenons ces Estats, mon Nepueu. Làic iureray hardiment; & feray ferment deuant Dieti? deuant tous les François, deuant tous les Princes Chrestiens, denant toute l'Europe, non pas tel que Ciceron, homme vain, fit deuaire le peuple Romain, sortant de son Consulat qu'il auoit saud ue la Republique mais que l'ay entretenu & conserué la paix : en la conservation de laquelle, si lesalut du Royaume cosistoit ou non, ie le laisse à iuger à vn chacun. I'ay achepté ceste paix à quelque prix que ce fult. Toures mes prodigalitez, que vous me reprochez tant, sont allees là: qu'on dise tout ce que lon voudra? Si la malignité de ce siecle m'enuie ce los, ce sera ingratitude: & l'esperance me cosole que la posterité en ingera tout autremet. Il me souvient de ce que l'Empereur

.25

pereur Iulian reproche à l'Empereur Alexandre Seuere, qu'il avoit mieux aimé bailler sesrichesses à sa mere, femme auare, pour en thesauriser, que les departir à ses amis, d'où vint la ruine de son fils. Ie n'en ay pas faict de mesme: ie n'en ay pasfaiet mon profict, ie n'en suis pas enrichies Quand ie n'aurois point esté femme d'yn grand & puissant Roy, comme i'ay esté, Dieu m'a faict. naistre d'vne maison assez grande, riche & magnifique, pour m'en passer. L'or non pas de la France, mais de tout le monde, est moindre que mon courage. Si parmy si grande quantité de grain, que i'ay semé pour moissonner la paix, il y en a quelqu'vn qui est mal escheu, qui a esté perdu, qui a esté gasté, qui a esté follement des-pendu, le reste n'a pas laissé d'estre publiquement vtile. Mes liberalitez n'ont point ressemblé les figues, qui naissent és hautes montagnes & precipices, qu'il n'y a que les milans, vaultours, corbeaux, & autres oyleaux de proye, qui en puissent approcher, & qui les mangent. Ma beneficence a esté respandue par tout, pour le bien de l'vniuerselle tranquillité de la France. Mais ie voy par vostre lettre que vous entrez en quelque doute, en quelque soupçon de ce que le Roy Monsseur mon fils arme: arme, dis-ie, comme les Roys ses predecesseurs ont accoustumé d'armer en pleine paix. La dessiance du suject contre son Roy est desobeyssance; qui consulte s'il doibt obeyr; ceste consultation est rebellion. Il ne faut pas accoustumer les Roys à craindre leurs sujects, ny les sujects à se dessier de leurs Roys: c'est la dissolution de la monarchie, c'est le plus grand malheur qui sçauroit aduenit pour les vns & pour

D

ses autres. Vous auez tort: mon Nepueu, vous auez tort de penfer que ceste febue se forge contre vostre teste. Ces armes sont pour l'asseurance des bons, & terreur des meschans, qui voudront troubler, qui voudront violer les loix & la paix publique de leur pays. Ces armes sont pour faire teste à nos voisins, qui voudroient busquer quelque fortune contre nous. Car personne ne vous en veut: & il ne faut pas que vous vous couuriez du pretexte de vostre dessense pour prendre les armes. Ce n'est pas à vous à qui Dieu a donné le droict de glaiue: c'est au Roy. Si vous le voulez vsurper sous quelque pretexte que ce soit, vous faictes chose iniuste, & ne vous en peut que mal venir. Ce n'est pas à vous de vous deffendre contre vostre Roy, à la volonté & ordonnance duquel, quelle qu'elle soit, la Loy de Dieu, ne vous permet de resister, quand mesmes il vous voudroit opprimer & courir sus: à quoy il n'a samais pensé. Et puis il faut reformer l'Estat. Se sit-il samais reformation sans armes? & qui doibt auoir ces armes, que le Souuerain magistrat, sous la protection duquel tous ses sujects viuent? Sa vigilance fait le guet pendant qu'ils dorment, son trauail dessend leur repos, son industrie leur aise, son occupation le loisir de tous. Si les Estats supplient le Roy de donner les Gouvernemens à temps, s'ils remonstrent que les grandes puissances, qui ont les armes en la main, bien que soubs le nom du Roy, fortisiees de bonnes villes & fortes pour retraicte, continuees des peres aux enfans, & encores esteuez en de grandes charges & dignitez hereditai-res affoiblissant l'estat monarchique, comment y

pourra-il donner ordre & reglement, & l'executer sans force? C'est la verité que les Princes & Seigneurs, à qui auiourd'huy ces honneurs sont departis, & ceste genereuse noblesse Françoise, aimeroit mieux mourir, que de souffrir aucune diminution de la majesté de l'estat Royal. Le souffririez-vous, ô noblesse Françoise, qui auez tant prisé & honoré ce grand Henry son pere? youdriez-vous endurer que le fils fust reduict en ordre ? le fils, la race de tantide Roys? Mais les temps & les humeurs changent, & le present n'est pas bien souvent pleige asseuré & caution soluable de l'aduenir, ny les peres des enfansed Vous y auez interest imon-Nepueu. plus que pas vn de ceux qui sont auecques vous: lesquels, quoy que yous dissez, ne sont nulles ment interessez à la foiblesse de la Royantés ains par ricelle croissent & s'authorisent: car autant qu'ils en ostent au Roy, autant il leur en accroistant Tout ainsi, que le corps humain qui est composé de quatre humeurs, s'il y en a quelqu'vise qui abonde plus que les autres sell malade & indisposé : ainsi quand quelqu'vn des-Estats, qui font le corps de quelque Royaume ou republique, deuient de beaucoup plus fort & plus puissant que les autres, il y a danger de subuersion & changement. Mais l'excez de la part de la Noblesse est plus dangereux que nul autre. Vous parlez aussi de l'Eglise, & vous plaignez de ce que les Ecclesiastiques n'ont point rang honorable au conseil du Roy. Quand est-ce qu'ils en ont eu autre que celuy qu'ils ont? Cen'est pas là, ce n'est pas là où ils se doiuent aimer. On n'y parle que d'euocation, de leuce's

Dij

de deniers, d'imposts, de tailles, de gabelles, de partis, de douane, de fermes, d'aides, & autre mesnagerie, à laquelle la nécessité nous a aiguisé l'esprit, & peut-estre trop. Qu'a de commun l'Euangile & les sainces Peres, qu'a de commun l'Euefque auecque tout cela? Les Euefques n'ontils pas de toute anciennété leur rang & seance aux Parlemens ? rangs qui sont les vrais, anciens & legitimes rangs du Royaume, dont ils se doiuent contenter? car ceux du Conseil sont nouucaux; extraordinaires, & qui ne valent que là. Les Roys font valoir les hommes, comme des tertons, à leur volonté. Les rangs des Loix sont stables, immobiles, ordinaires, & qui ne changent point. Les Canons defendent aux Ecclesia ftiques de se messer des negoces seculiers. Toutes les lois & reformations qui ont esté en la Chre-Mienté, les obligent à resider aux lieux de leurs charges. Lails doivent paistre leurs ougilles, in-Aruire les peuples en la vraye doctrine de Christ, lessedifier par predications & bonnes œuures, Poir foing des phunes, confoler legaffligez, eftre foigneux de l'influention de la leunelle, & exercer les œuvres de charité, qui leur est tant recommandee, & à toutes personnes par les sainctes lettres. Cen'est pas à la suite des Roys, ce n'est pas à la Couron Papprend l'exercice de ceste charité, où sapprend la vertu, où sapprend la pieté, où l'apprend la probité, où l'apprend le mespris des honneurs mondaines, où l'apprend la dougeur la modestie; la continence : ce n'est pas l'eschole où les saincres lettres, ny les autres fenseignent. Il faut, il faut que chaque Euesque refide en fon dioceles & qu'il ne vague point tantolt

çà tantost là : qu'il embrasse d'vne amour vrayement paternelle le troupeau, dont la garde luy a esté commise. Il me souvient à ce propos de ce bon Euesque de Verdun, nommé Desiré ou Didier: il estoit riche de son patrimoine; mais le Roy Theodoric, vn de vos Roys de la premiere race, l'en auoit spolié. Les habitans de Verdun ayans esté longuement affligez de peste & de famine, estoient reduicts à vne extreme pauureté. Ce bon Euesque estoit aymé d'vn autre de vos Roys, nommé Theodebert, de la mesme race: duquel il emprunta à interest sept mille escus, lesquels il distribua à ces pauures habitans, qui se voyant de l'argent deuant eux, s'employerent au traffic & à la marchandise: de maniere qu'en peu de temps ils se releuerent de leur pauurete, & deuindrent aisez & commodes. Vous dictes aussi, qu'il n'y a plus d'Euesques; ausquels on commette des ambassades. Ha! mon Nepueu, mon Nepueus ce n'est pas à eux ny autres personnes de religion d'estre enuoyez en ambassade aux Princes seculiers, si ce n'est comme les medecius aux malades : mais d'enuoyer ambassades de leur part, là haut au Ciel, leurs souspirs, leurs gemissemens, leurs larmes, leurs penitences, leurs ieulnes, leurs aum olnes, leurs prieres, leurs oraisons, pour impetrer pardon des pechez des peuples, pour appaiser l'ire de Dieu; qui est bien enflammee contre nous tous, specialement contre toute la France. Les Roys & Potentats nos voisins nous en enuoyent bien de ceste qualité. Nommez m'en vn, ie vous prie? Vous auez bien enuie de quereller, & vous ne sçauez trouuer sur quoy. Car quant aux mariages d'Espa-

ene, toutes choses sont encores entieres, & dependent de la volonté du Roy Monsieur mon fils, quand il iouyra de ses droicts, quand il sera en sage, ce sera à luy d'en faire & disposer comme bon luy semblera. Ce que i'en ay faich, ie l'ay faice pensant bien faire. Sur la fin de vostre lettre vous parlez du tiers Estat, sous lequel la Iustice est comprise. Ya-il rien en tout le corps du Royaume si depraué & si corrompu, & où il y ait plus à reformer? car la Iustice est l'ame donnant vie & estre à toute societé; & à toutes assemblees legitimes d'hommes respirans & viuans en mesmes loix, mœurs & religion, sous vn mesme Prince, ou autre espece de gouvernement. O que la France auroit bon besoin d'vn Aratus qui trouuast vn Ptolomee, pour rembourser tant d'Officiers inutiles, qui ont esté creez depuis cinquante ans en ça, qui mangent le Roy & le peuple! Que dis-ie, d'vn Aratus & d'vn Ptolomee? mais d'vn Hercule Gaulois, pour combattre ces deux execrables monstres, les pestes non seulement de la Iustice, maisaussi de tous Estats, l'Ambition & l'Auarice: que la plus part de vos loix & ordonnances tres pernicieuses fauorisent, & le public en tire profit. Cet Hercule sera, s'il plaist à Dieu, le Roy Monsieur mon fils, qui en sa plus tendre ieunesse à tousiours mostré & monstre de plus en plus, que Dieu a versé à pleines mains sa benediction sur sa teste, haissant le vice & aimant le bien. Le Roy, fils de ce grand HENRY, le Roy Monsieur mon fils, dans l'ame duquel on voit à veuë d'œil bouter & fleurir d'heure en heure l'amour de la pieté, de la iustice, auec vn zele & ardeur incroyable de restablir la religion, la paix, le repos, la foy, l'org

dre & la droicture. Croissez, ô ma chere tester croissez, ô mon cher sils! croissez, ô mon Roy! & auec vous croissent aussi les belles parties qui poussent en vous. Mais ie passe les bornes d'vne simple lettre: la vostre, mon Nepueu, m'a emportee iusques là: & me conuie encores pour la sin, faire à Dieu, de tres-grande assection, la priere du Prophete Ieremie,

Cousteau trenchant de Dieu, rentre dedans ta guaine: Refroidis-toy, sois coy, & plus ne te demeine. Pense sur nous, bon Dieu, des pensees de paix, Et nous inuoquerons ton Nom sainct à iamais.

FIN.

> e 3 a in